

✉ Re: Umsagnarbeiðni og rafræn frummatsskýrsla - Allt að 2.500 tonna framleiðsla á laxi og laxaseiðum á vegum Laxa fiskeldis Þorlákshöfn

Búið til	17.11.2020 09:27:21
Höfundur	Trausti Baldursson
Sent	17.11.2020 09:27:18
Tilheyrir	 202010-0027 - Umsagnarbeiðni og rafræn frummatsskýrsla - Allt að 2.500 tonna framleiðsla á laxi og laxaseiðum á vegum Laxa fiskeldis Þorlákshöfn

Efni

Re: Umsagnarbeiðni og rafræn frummatsskýrsla - Allt að 2.500 tonna framleiðsla á laxi og laxaseiðum á vegum Laxa fiskeldis Þorlákshöfn

Upplýsingar

Sent	17.11.2020 09:27:18	Staða	Imported
Eigandi		Tímamörk	
Skjalalykill	42-0 Umsagnir almennt		
Lykilorð			

Vinnsla

Þátttakendur

Frá	Trausti Baldursson - NI (Trausti.Baldursson@ni.is)
Til	jon@skipulag.is

Innihald

Tilvísun í málsnr. 202010-0027 (TB)

Vísað er til meðfylgjandi tölvupósts frá Skipulagsstofnun, dags. 15. október sl., þar sem óskað er eftir umsögn Náttúrufræðistofnunar Íslands um frummatsskýrslu vegna 2.500 tonna framleiðslu á laxi og laxaseiðum á ári í eldisstöð Laxa eignarhaldsfélags ehf., Laxa, við Laxabraut, Þorlákshöfn. Frummatsskýrslan er send inn öðru sinni þar sem að í innsendri matsskýrslu framkvæmdaraðila koma fram upplýsingar sem ekki höfðu komið fram í frummatsskýrslu sem kynnt hafði verið. Vísar Skipulagsstofnun til þess að umfang fyrirhugaðra mannvirkja er umtalsvert meira en þeirra mannvirkja sem gert var ráð fyrir í frummatsskýrslu.

Náttúrufræðistofnun fékk ekki fyrri frummatsskýrslu Laxa til umsagnar en í skýrslunni var aðeins gert ráð fyrir framkvæmdum á Laxabraut 9 en nú ná framkvæmdir einnig yfir lóð nr. 11. Einnig er fiskeldi á nærliggjandi lóðum. Framangreindar lóðir eru á samþykktu iðnaðarsvæði í aðalskipulagi Þorlákshafnar.

Náttúrufræðistofnun telur að helstu umhverfisáhrif af framangreindri framkvæmd séu jarðrask á nýrri lóð, vatnstaka og mengun. Einnig er hætt á að lax geti sloppið úr eldinu til sjávar. Rask verður á byggingarreit á lóð nr. 11 þar sem m.a. mun skerðast hraun sem almennt nýtur verndar skv. 61. gr. laga um náttúruvernd. Hraunið er mjög sandorpið og veðrað og hefur ekki hátt verndargildi að mati Náttúrufræðistofnunar. Engu að síður ber að lágmarka allt rask á svæðinu. Um er að ræða landeldi á laxi, laxaseiðum, af norskum kynbættum laxi sem færa á yfir í sjókvíaelði. Mat á umhverfisáhrifum sjókvíeldisins er gert sérstaklega og því litið á landeldið og sjókvíaelðið sem tvær aðskildar framkvæmdir. Skoða ætti hvort það sé almennt eðlilegur framgangsmáti þar sem um samtvinnaðan rekstur er að ræða.

Náttúrufræðistofnun telur landeldi í alla staði ákjósanlegri en sjókvíaelði þaðan sem lax sleppur iðulega út í umhverfið og getur valdið skaða sem tengist bæði sjúkdómum og erfðablöndun á villtum laxastofnum. Þó landeldi sé betri kostur þarf engu að síður að vera að fullu tryggt, eins og komið er inn á í frummatsskýrslunni, að lax sleppi ekki úr fiskeldinu, eða við flutninga, til sjávar en Ölfusá er ekki langt undan. Einnig leggur Náttúrufræðistofnun almennt áherslu á að allar mengunarvarnir verði sem bestar (þrátt fyrir vissa „kosti“ viðtakans), vatnstaka sé sjálfbær, og allt rask á framkvæmdasvæðinu ekki meira en nauðsynlegt er. Á öllum þessum þáttum á að vera hægt að taka í starfsleyfum og með virku eftirliti og vöktun svo og í deiliskipulagi.

Náttúrufræðistofnun hefur farið yfir frummatsskýrsluna. Með hliðsjón af hlutverki stofnunarinnar, eðli og staðsetningu framkvæmdarinnar, umfangi framkvæmdarinnar og náttúruvari á framkvæmdasvæðinu, auk lýsingar á framkvæmdinni, telur stofnunin að styðjast megi við frummatsskýrsluna til vinnslu á matsskýrslu. Náttúrufræðistofnun telur að vel hefði mátt gera betur grein fyrir framkvæmdasvæðinu, sérstaklega með kortum (loftmyndum), í viðeigandi mælikvarða, og myndum þó þeir sem þekki svæðið geti getið í eyðurnar.

Virðingarfyllt,

Trausti Baldursson
Náttúrufræðistofnun Íslands
Icelandic Institute of Natural History
Urriðaholtstræti 6-8
210 Garðabær
Sími/Tele: 590 0500
Email: trausti@ni.is (mailto:trausti@ni.is)



From: "Jón Þórir Þorvaldsson" <jon@skipulag.is>
To: "olfus@olfus.is" <olfus@olfus.is>; "postur@minjastofnun.is" <postur@minjastofnun.is>; "Kristinn Magnússon" <kristinn@minjastofnun.is>; "fiskistofa" <fiskistofa@fiskistofa.is>; "Guðni Magnús Eiríksson - FISK" <Gudni.M.Eiriksson@fiskistofa.is>; "hafogvatn@hafogvatn.is" <hafogvatn@hafogvatn.is>; "Sigrún Guðmundsdóttir" <sigrun@hsl.is>; "hsl@hsl.is" <hsl@hsl.is>; "Matvælastofnun" <mast@mast.is>; "Erna Karen Óskarsdóttir" <erna.oskarsdottir@mast.is>; "Trausti Baldursson - NI" <Trausti.Baldursson@ni.is>; "Móttaka - NI" <Mottaka@ni.is>; "OS netfang" <os@os.is>; "samgongustofa@samgongustofa.is" <samgongustofa@samgongustofa.is>; "Umhverfisstofnun" <ust@ust.is>; "Rakel Kristjánsdóttir" <rakel.kristjansdottir@umhverfisstofnun.is>; "veitur@veitur.is" <veitur@veitur.is>

CC:

Subject: Umsagnarbeiðni og rafræn frummatsskýrsla - Allt að 2.500 tonna framleiðsla á laxi og laxaseiðum á vegum Laxa fiskeldis Þorlákshöfn

Date: 15.10.2020 10:19:57

Góðan daginn

Skipulagsstofnun sendir hér með rafræna frummatsskýrslu og umsagnarbeiðni vegna ofangreindrar framkvæmdar öðru sinni. Ástæða þess er sú að í innsendri matsskýrslu framkvæmdaraðila koma fram upplýsingar sem ekki höfðu komið fram í frummatsskýrslu sem kynnt hafði verið. Skipulagsstofnun telur því að matsskýrsla víki frá frummatsskýrslu varðandi mikilvæga þætti málsins og því nauðsynlegt að framkvæmdin verði auglýst að nýju samkvæmt 10. Gr laga um mat á umhverfisáhrifum.

Vísar stofnunin þar til þess að umfang fyrirhugaðra mannvirkja er umtalsvert meira en þeirra mannvirkja sem gert var ráð fyrir í frummatsskýrslu. Í stað þess að reisa þrjú útiker innan svæðis sem þegar hefur verið raskað ern ú til bviðbótar við áðurnefnd þrjú ker, gert ráð fyrir að reisa einnig 12 ný útiker á öröskuðu svæði utan þeirrar lóðar sem eldisstöðin stendur á.

Skýrslan og umsagnarbeiðni mun einungis vera send á rafrænu formi.

Laxar eignarhaldsfélag ehf. hefur tilkynnt til athugunar Skipulagsstofnunar frummatsskýrslu um allt að 2.500 tonna framleiðslu á laxi og laxaseiðum í eldisstöð Laxa Eignarhaldsfélags, Þorlákshöfn, Sveitarfélaginu Ölfusi.

Meðfylgjandi er rafræn útgáfa af frummatsskýrslu um mat á umhverfisáhrifum ofangreindrar framkvæmdar. Samkvæmt 10. gr. laga nr. 106/2000 óskar Skipulagsstofnun eftir að umsagnaraðili gefi umsögn um mat á umhverfisáhrifum framkvæmdarinnar. Umsagnaraðilar skulu gefa álit sitt í samræmi við 24. gr. reglugerðar nr. 660/2015 um mat á umhverfisáhrifum.

Í umsögn skal umsagnaraðili á grundvelli starfssviðs hans gera grein fyrir hvort hann telji að á fullnægjandi hátt sé gerð grein fyrir fyrirhugaðri framkvæmd og umhverfi, umhverfisáhrifum og mati framkvæmdaraðila á þeim, þörf á að kanna tiltekin atriði frekar, mótvægisáðgerðum og vöktun. Einnig óskar Skipulagsstofnun eftir því að í umsögn komi fram, eftir því sem við á, hvaða leyfi framkvæmdin er háð og varðar starfssvið umsagnaraðila.

Umsögn óskast send Skipulagsstofnun fyrir 5. nóvember 2020 einnig á tölvupóstfang: jon@skipulag.is og skipulag@skipulag.is.

Kveðja

Jón Þórir Þorvaldsson

Sérfræðingur, svið umhverfismats / Specialist, Environmental Assessment

Skipulagsstofnun - National Planning Agency

Borgartún 7b, 105 Reykjavík, Ísland – Iceland

sími 595 4100

jon@skipulag.is

www.skipulag.is

www.facebook.com/skipulagsstofnun

Viðhengi

image001.gif (2 KB)

